



## УНА ХЭРЭГЛЭМЖЫЕ ХЭН ХИНАХА ЁНОТОЙБ?

Августын 5-да үнгэргэгдээн Буряад Республикын Правительствын Президиумэй зүблөөнэй үзэмжэдэ гурбан ехэ асуудал табигдаба. Тон түрүүн Буряад Республикын Унанай ажахын талаар гүрэнэй комитедэй (Түрүүлэгшэн В.С.Молотов) бэлдээн "Буряад Республика доторхи уна сөөрэмүүдые ашаглаха, уна хэрэглэхэ лимит тогтоохо ба үнээр хаража үзэхэ гурум тухай" дүрим зүбшэн хэлсэгдээ. Энэ дүримэй зарим статьянуудта олон ажаглалтанууд, нэмэлтэнүүд хэлэгдэб. Имагтал уна хэрэглэмжын лицензи хэн үгэхэ ёнотойб гэхэн асуудалаар Унанай ажахын ба Оршон тойронхи байгаали хамгаалгын талаар гүрэнэй комитедүүд хоёр ондоо ханамжатай байшоо. Ушар нимэһээ тус дүрим дахин шэнээр хаража үзэхэ гэхэн тобшолол хэгдээ. Харин "Гэр байра бүрин бүтэн байлгах ба нэһлээн захибарилха аргатай предприятинуудые конкурсын гуримаар шэлэн абаха гурум тухай" жшээтэ дүрим абтаба. Тинхэдэ "Буряад Республика дотор үнэ сэнгүүдые ба тарифуудые гүрэнэй зүгһөө гуримшуулан тааруулаха тухай" Буряад Республикын Хуулин проект олоной дуугаар баталагдаад, Арадай Хуралда эльгээхэ гэхэн шийдхэбэри абтаба.

**Б.ГЫНДЫНЦЫРЕНОВ.**

ЗУРАГ ДЭЭРЭ: В.С.Молотов элидхэл хэнэ.

М.ШАНТАКОВОЙ фото.

## АГНУУРИИН КОНКУРС ҮРГЭЛЖЭЛНӨӨР

Республикын харьяата газар дээрэ шононуудай үдэһые, мүн республикын хүдөөгэй болон агнууриин ажахынуудта ехэ гарза хохидол тэдэнэй ушаруудлагые хараада абан, шононуудые агнаха хэрэгтэ хүн зоние материална болон моральна талаар хонирхуулаха зорилготойгоор 1997 ондо тэдэниие хюдаха республиканска конкурсын болзорые республикын Правительство хунаба.

Конкурс хоёр шатада үнгэргэгдэнэ: хамтын агнуури (бригадын бүридэлдэ агнуури хэгшэдэй тоо 3 хүнһөө үсөөн бэшэ байха) ба хубийн агнуури.

Хоёр шатада үнгэргэгдэхэ конкурсын шангууд республиканска экологическа жасын мүнгэ зөөриһөө номологдохо юм. Долоон томо шоно хюдаһанай хамтын агнууриин эгээл бага шангай хэмжээн 1,0 миллион түхэриг, харин хубийн агнуури хээд, дүрбэнһөө үсөөн бэшэ шоно олзоборилһон агнуушанда 600 мянган түхэриг шан үгтэхэ юм.

Конкурсын гуримуудта нэмэлтэ болгон Агнууриин нөөсөнүүдые хамгаалха ба гамтайгаар ашаглаха талаар

управлени долоон томо шоно хюдаһан бүлэг агнуушадта гү, али нэгэ агнуушанда буга агнаха түлөөһөгүй зүбшөөл үгэхэ юм. Хэрбээ дүрбэн томо шоно олзоборилбоод байгаа хаань, агнуушадта түлөөһөгүй зүбшөөлөөр нэгэ гүрөөһэ гү, али бодон гахай буудаж алаха эрхэ олгогдоно. Шоно олзоборилһон газарта энэ агнуури хээ эрхэ үгтэхэ юм.

Конкурсдо хабаадахын тула агнуушад Буряад Республикын Правительствын дэргэдэхи агнууриин нөөсөнүүдые хамгаалха ба гамтайгаар ашаглаха талаар управленидэ удаахи документүүдые бэлдэжэ үгэхэ ёнотой: агнуушадтай бригадын бүридэл бүридэлдэ абаха тухай мэдүүлгэ; шононуудые хюдаһан газарта оршодог нуурин тосхойн захиргаанай справка (мэдээн) агнууудые алаһан тухай газар, саг, тоо, шононуудай эрэ эмьн илгаа, тэрэшэлэн бригадын бүридэл гү, али агнуушанай нэрэ обогүүдые зааһан мэдээн; шоно алаһанай түлөө урмашуулгын шан түлэхэ тухай реестр; бэлдэхэлэй эмхидэ ангай арһа тушааһан тухай квитанци.

**Адууһа малдаа - элбэг тэжээл**

## "ХҮРӨӨД ҮЛЭХӨӨР АБАХАБДИ"

Унжагайржа байнгүй бултанһаа урид үбһэндөө ороһоной ашаар "Коммунизм" колхозой ажалшад мүнөө аймаг соо эгээл ехэ тэжээл бэлдхээд байна. Эндэхи онһожоруулагдамал томо звено (дагшань И.Екимов) 200 үлүүтэй гектарай ногоо сабшаад, ехэнхиень хурьяжа, хамта 7000 гаран

центнер үбһэ һурилөө.

Наяшаг колхозой түрүүлэгшэ В.И.Трофимовтай уулзахадамни яһала сэдхэлээ ханангаар иигэжэ хөөрөө хэн: "Энэ жэлдэ малдаа хүсэд хүрөөд, бага зэргэ үлүү гараха үбһэ абаха аргатайбди. Манайда 400 толгой эбэртэ бодо мал, 2 отара хонид, 600 гаран адуу морид үбэлжэхэ

юм. Хэрбээ мүнөө бүхы сабшалангай хахадһаа үшөө багань сабшагдаад, найма мянга шахуу центнер үбһэнэй һурилэгдөөд байһаарнь харахада бүхы дээрэнэ 20 мянган центнер бүдүүн тэжээл бэлдхэхэ аабза гэжэ ханагдана. Тиигэбэл, тэрэмнай ерэхэ үбэлдөө байһан малда хүрэхэ, үшөө ондоо ажахынуудта худалдаха, хэрэгтэй юумээр андалдаха аргатай болохобди.

**В.ШИРДАРМАЕВ.**

## БОРООГОЙ ЗАБНАРААР

һүүлэй үедэ бага, ехэшье наа үе-үе болоод хура бороо ходо орожо, үбһэшэдтэ горитой наад ушаруулна. Хэды тиигэбэшье Сутайн совхозой звенонууд зааханшье забнар оложо, сабшалга, хурьялгаяа түргэдхэхэ гэжэ оролдоно.

Эндэ механизаторнууд Цырен-Дондок Очиржапов, Геннадий Дабаев,

Эрдэни Эрдынеев, Амгалан Дашацыренов гэгшэдые онсолон тэмдэглэхээр.

Ажахын үбһэшэд бүхы 363 гектарай ногоо сабшажа 5000 центнер бүдүүн тэжээл бэлдхэхэ юм. Ногооной ургаса дунда зэргэ.

**В.ХУДАЕВ.**

Мухар-Шэбэрэй аймаг.

## САГАЙ УЛАРИЛ

Августын 8-9-нэй үдэрнүүдтэ республика доторнай ороһон хура бороо замхаха юм. Баруун урда аймагуудта хура бороогүй, нарата үдэрнүүд болохо, бусад нютагуудта хура бороотой байхаар хүлээг-

дэнэ. Баруун-хойто зүгһөө секундын 7-12 метр хүсэтэйгөөр һадхилха, һүндөө 7-12, баруун-урда аймагуудта 2-7, үдэртөө 19-24, хойто зүгэй зарим нютагуудта 14-19 градус дулаан болохо зэргэтэй.

Улаан-Үдэдэ саг зуура хура бороотой байхаар, һүндөө 9-14, үдэртөө 20-22 градус дулаан болохоор багсаагдана.

**Ц.ЖАЛСАНОВА,**

Улаан-Үдын

гидрометобсерваториин таһагые даагша.

## Тобшо мэдээсэлнүүд

### ҮЛҮҮ НУЛЬНУУД ҮГЫ БОЛОХОНЬ

Россин Федерациин Президент Б.Н.Ельцин орон доторнай үнгэргэгдэхээ байһан мүнгэнэй деноминаци тухай хаяхан соносхобо. Абтаһан шийдхэбэриин ёһоор манай "модон" гээд алдаршаһан түхэригүүд дээрэхи үлүү 3 ноль абтажа хаягдаха юм. Тини, 10 мянган түхэригнай миил 10, 1 миллион түхэриг 1000 солхооб болохонь гээшэ. Мүнгэ һэлгэлгэ 1998 оной январин 1-нээ 1999 оной январин 1 болотор үнгэргэгдэхэ. Энэ хугасаа соо шэнэшье, хуушаншье түхэлэй мүнгэн ороной дэбисхэрдээр ади эрхэтэйгээр "ябаха" юм. 1999 оной эхинһээ хуушан мүнгэн эрхэтэ бэшэ болобошье, 2002 оной январин нэгэн болотор тэдэниие шэнэ мүнгөөр һэлгэжэ болохо гээд Президент мэдээсээ.

Деноминаци гүрэн түрымнай экономокодо ямар нүлөө үзүүлэхэ гэжэ таамаглаад яалай, зүгөөр тэрэнэй саашанхи хуби заяае саг гэршэлхэ бээ.

**Б.БАДМАСАНЖИН.**

### АЛИН ТЭЭШЭЭ ШИИДХЭГДЭХЭНЬ БЭ?

Беларусь Литва хоёрой хилэ дээрэ баригдажа, Гродно хотодохи мурдэлгын изолятор руу хаягдаһан ОРТ-гэй журналистнуудай хуби заяан шийдхэгдээгүй байһаар.

Ушар юуб гэхэдэ, Беларусь Республикын хилэ хамгаалагшад Павел Шеремет Дмитрий Завадский хоёрые барижа тушаахадаа, тэдэниие хуули бусаар хилэ гаталжа гарабат гэжэ гэмнэһэн байгаа бшуу. Тэдэнтэй хамта жолоошон Ярослав Овчинников изоляторта байна. хаяхан

П.Шеремет Д.Завадский хоёрые үшөө нэгэ, эгээл аймшагтай статьягаар гэмнэбэ. Тэрэнэ "Эхэ орондоо урбалга" гэжэ нэрэтэй статья болоно.

Россин Федерациин Президент Б.Ельцин энэ ушараар Беларуссин Президент А.Лукашенкодэ хатуу үгэнүүдые хэлэһэн байха юм. Тэрэнэ урдаһаань нилээдгүй хатуугаар харюусаа. Беларусь Росси хоёрой хая баталһан хэлсээн тухайшье элдэб хөөрэлдөөнүүд болоно.

Олоной ханамжаар, энэ хэрэг руу Россин хамааран оролсоогүй наа, заһаагүй ехэ тодхор болохонь. Журналистнуудай хуби заяан алин тээшээ шийдхэгдэхэ юм, мүнөө болотор мэдэгдэнгүй.

Һүүлшын мэдээнүүдэй ёһоор, "Манай хэрэгые Литвагай прокуратурада дамжуулагты!" гэхэн эрилтэ Беларуссин засаг баригшадта Павел Шеремет табиба. Угы наа, болзоргүй үлэхэлэн байдал соносхохо тухайгаа тэрэ мэдүүлээ.

**Баяр БАЛДАНОВ.**





Углөөдөр - Бүхэроссин физкультурнигай үдэр



Сэхьень хэлэхэдэ, эды олон мүрысөө, хорёонуудыг эмхидхэхэ, үнгэргэхэ болоходо, гаргаша ехэтэй гэжэ мэдэнэбди. Бидэнэртэ "Импульс", "Ариг Ус", "Бурятэнерго", Гусиноозёрскын ГРЭС, Түгнын шулуун нүүрхэнэй уурхай, Селенгинскын ЦКК, "Годли" болон бусад акционернэ бүлгэмүүд, олон тоото предпритинууд, эмхинууд, зургаанууд арга шадалаараа туһаламжа, тэдхэмжэ үзүүлдэг болоһон гэшэ. Тиин эдэ бүлгэ-

## ОЛОНОЙ ЭТИГЭЛ ХАРЮУЛАН...

Үргэн Буряад ороноймнай физкультурын коллективүүд, спортсменүүд, ветеранууд заншалта хайндэрөө эрхим бэлдхэлтэйгээр тэмдэглэжэ байнабди гээд онсолхо хэрэгтэй. Үнгэрхэн жэлнүүдэй туршада хүндэ хүшэр байдалай тохёолдоошье наа, бэлдхэл хайнтай хүбүүд, басагаднай хаанашье ошоходоо, хайн амжалтатай нютагаа бусажа ерэнэ. Солото хүбүүд, басагада нэрэ нэрээрнэ дурдаха хүсэлэнтэйбди. Эдэнэрнай хэд бэ гэхэдэ, пауэрлифтингээр дэлхэйн чемпион болоһон Светлана Теслевада "Россин спортын габьяата мастер" гэхэн хүндэтэ нэрэ зэргэ мэнэ хаяхана олгодожо, олоной зүгһөө хайшаал, магтаалда хүртэһьень хэн мартахаб. Мүн байгша ондо "Россин габьяата тренер" гэхэн нэрэ солодо хур харбалгаар тренерээр олон жэлнүүдтэ хүдэлхэн хүмүүжүүлэгшэдтэ-спортивна мэргэжэлэй дээдэ хүргуулин тренер К.Д.Эрдынеев, Захааминай аймагай Үлэгшэнэй дунда хургуулин физкультурын багша Ш.А.Хазгаев гэгшэд хүртэбэ. Тиэхэдэ технологическа университетэй доцент П.А.Федотов, футболлистуудай "Сэлэнгэ" командын начальник А.Д.Жамьяндабаев хоёрто "Россин Федерациин физическэ культурын габьяата хүдэлмэрлэгшэ" гэхэн хүндэтэ нэрэ зэргэ олгогдоһон байна. Эдэнэрһээ гадна "Буряад Республикын физическэ культурын габьяата хүдэлмэрлэгшэ" гэхэн нэрэ зэргэ 11 мэргэжэлтэд, хүмүүжүүлэгшэдтэ олгогдоһон гэшэ. Мүн Иван Ярыгинай шанда хүртэхын түлөө үнгэргэгдэн уласхоорондын мүрысөөндэ 1997 ондо Россин чемпион болоһон О.Дамдинов, М.Молонов гэгшэд "Уласхоорондын классай спортын мастер" гэхэн нэрэ зэргэдэ хүртөө нэн. "Россин спортын

мастерай" нэрэ зэргэдэ 30 хүбүүд, басагаднай хүртэнхэй. Хэнэйшье мэдэнээр, үнгэрэгшэ жэлдэ Атланта хотодо Олимпийн зунай XXVI наадануудта хур харбалгаар, дүрэ буляалдалгын барилдаагаар уласхоорондын классай спортын мастер Б.М.Цыремпилов, СССР-эй спортын габьяата мастер Б.Будаев хоёр хабаадажа ерээ нэн. Красноярск хотодо дүрэ буляалдалгын барилдаагаар дэлхэйн түрүү хуури эзэлхын түлөө мүрысөөн августын һүүлшын үдэрнүүдтэ эхилхээр хараалагдана. Россин суглуулагдамал командын бүридэлдэ оруулагдаһан уласхоорондын классай спортын мастер Максим Молонов энэ мүрысөөндэ хабаадахаар, Россин түрүү хуури эзэлхын түлөө түгсэхэлэй мүрысөөндэ хабаадалсаһан Ж.Ахмажапов хуралсал-хорилого мүнөө гарана. Дүрэ буляалдалгаар залуушуулай дунда Европын түрүү хуури эзэлхын түлөө болоһон мүрысөөндэ хабаадаһан нютагаймнай хүбүүн Бэлигтэ Жаргалов чемпион болоходоо, уласхоорондын спортын мастерай норматив дүүргэжэ ерэбэ. Мүнөө Россин суглуулагдамал командада тэрэ оруулагдажа, залуушуулай дунда дэлхэйн түрүү хуури эзэлхын түлөө үнгэргэгдэхэ мүрысөөндэ хабаадаха юм. Спортын олон тоото зүйлнүүдээр мүрысэдэг хүбүүд, басагад ехэ-ехэ мүрысөөнүүдтэ хабаадаха бэлдэнэ, нүгөөдэ нэгэ зариманиинь иимэ нааданууднаа амжалта туйланхай тоонто нютагаа бусажа ерэнэ. Байгша ондо республикын бүхы спортсменүүд, олонийтэ "Улаан-Үдэ - Москва" гэхэн маршрудаар санаар ошоһон табан басагадай суута аяншалгын 60 жэлэй ойн баярыг тэмдэглэжэ хэмди.

мүүдэй хүтэлбэрлэгшэд футболлой, дүрэ буляалдалгын барилдаанай, хүнгэн атлетикын, боксын, хур харбалгын федерациин түрүүлэгшэнэр боложо һунгагданхай юм. Тэрэшэлэн аймагуудай, нютагуудай захиргаануудай гулваанар, эдэбхитэд ургажа ябаһан залуу үетэнөө зүбөөр хүмүүжүүлэхэ, хургаха ээмжээ ябуулгануудыг өөһэдөөл эмхидхэдэг, оролдодог болоо. Энэнь тон лэ хайшаалтай хэрэг гэшэ. Сэлэнгын аймагай захиргаанай гулваа Н.Д.Ж.Бадмаев физкультура болон спорт аймаг соогоо дэлгэрүүлхын түлөө горитхой оролдолог гаргадаг юм. Эдэбхи ехэтэй хүтэлбэрлэгшын хэһэн, бүтээһэн ажалье бидэнэр үндэрөөр сэгнэнэ гэшэбди. Республикын сурхарбаан дээрэ нүхэр Бадмаевта "Россин Федерацида физкультура болон спорт хүгжөөхэ хэрэгтэ габьяатай байһанайн түлөө" гэхэн хүндэтэ тэмдэг Буряад Республикын Президент Л.В.Потапов зүүлгэжэ, ипподромдо сугларашадай нэрбеме альга ташалгаар утгагдаа нэм шуу. Хүндэтэ манай спортсменүүд, ветеранууд, эдэбхитэд, үглөөдөр орон доторнай тэмдэглэгдэхээ байһан физкультурнигай хайндэрөөр амаршалнаб, амгалан тэнюун ажаһуухыетнай хүсэнэб. **В.ИВАНОВ, Буряад Республикын залуушуулай хэрэгүүдэй, аяншалгын, физическэ культурын болон спортын талаар гүрэнэй комитедэй түрүүлэгшын орлогшо.** **ЗУРАГ ДЭЭРЭ: Буряад ороной солото спортсменүүд Александр Деханов, Светлана Теслева, Татьяна Телегина, Сергей Деханов гэгшэдые харанат.** Б.ЦЫРЕМПИЛОВЭЙ фото.

## С.Б. ЧОЙРОПОВ

Социалис Ажалай Герой, ажалай ветеран Санжижаб Баяндуевич Чойропов удаан сагта хүндөөр үбшэлжэ, байгша оной августын 6-да 71 наһан дээрээ манһаа хахасан ошобо.

С.Б.Чойропов 1926 ондо Баргажанай аймагай Лугшахаан нютагта, таряшанай бүлэдэ түрэнэн хүн. Эсэгэ ороноо хамгаалгын Агууехэ дайнай жэлнүүд соо сэрэгэй албанда ябаа. Албанһаа табигдаһаар Кировэй нэрэмжэтэ колхоздоо бусажа ерээ. Дайнай хойтохи жэлнүүдтэ тэрэнэй хүтэлбэрлэдэг таряан ажалай бригадын шэниисын үндэр баян ургаса абажа суурхahan.

Ажалайнгаа энэ баатаршалгын түлөө С.Б.Чойропов СССР-эй Верховно Советэй Президиумэй Указаар Социалис Ажалай Геройн нэрэ зэргэдэ хүртэнэн, Алтан Одон медаль болон Ленинэй орден үбсүүндэ яларуулһан юм.

Тэрэ бүхы наһан соогоо газар таряалангай ажалда бүхы хүсээг үгэнэн хүн. Ленинэй, Сталиной, XX партсъездын нэрэмжэтэ колхозуудай таряан ажалай бригадануудыг хүтэлбэрлэжэ



ябаа, Хүнтэйн МТС-тэ агрономоор хүдэлөө. Санжижаб Баяндуевич хаанашье хүдэлхэдөө, хэзээдэ харюусалга гэхэтэй, зон нүхэдэйнгөө дунда хүндэтэй байһан.

Санжижаб Баяндуевич Чойроповой гэрэлтэ дурасхаал тэрэниие таниха, мэдэхэ, сугтаа хүдэлхэн хүнүүдэй ханаа сэдхэлдэ хэтын хэтэдэ үлэхэл даа.

**Л.В.Потапов, М.И.Семёнов, В.К.Агалов, П.М.Болонев, В.Ч.Цыренжапов, Л.Б.Ванюшкина, В.Б.Базаров, Д.Н.Т.Раднаев, Б.С.Семёнов.**

Социалис Ажалай Герой, хамтын ажалай ветеран **ЧОЙРОПОВ**

Санжижаб Баяндуевичай

хүндөөр үбшэлхэнэй удаа наһа бараһан ушараар Баргажанай аймагай, мүн Улан нютагай захиргаанууд, Улаан-Үдэдэ ажаһуудаг баргажанаархидай нютагай эблэл гэр бүлэдэнь, дүтын хүнүүдтэ гүнзэги шаналал, гашуудалаа мэдүүлнэ.

**МВД-һээ мэдээсэнэ**

## ТОБШОХОНООР

Августын 3-да Баргажан тосхондо ажаһуудаг 1954 ондо түрэнэн Х. гэгшэ Баргажан голдо орожо, наһа бараба. Тэрэнэй бэе мүнөө болотор олдоногүй.

\* \* \*

Байгша оной августын 4-нэй һүни танигдаагүй хүнүүд Улаан-Үдэ хотын Октябриин 50 жэлэй нэрэмжэтэ проспектедэ оршодог гэрэй нэгэ байрын үүдэнэй суурга эбдэжэ ороод, телевизор болон 4500 юань мүнгэ абаад арилба.

\* \* \*

Хурамхаанай аймагай Гааргын-Адаг шадарай бэлшээрһээ танигдаагүй гэмтэд нэгэ томо мори хулууба. Тэдэнэр үшөө баригдаагүй.

\* \* \*

Август нарын түрүүшын табан үдэрэй туршада республика доторнай 234 гэмтэ ябадал хэгдэбэ. Тэрэ тоодо эхэнэрые хүсөөр эдлэхэ - 4, дээрмэ хэхэ - 7, гэр байра тонохо - 51, автотранспорт хулгайлха - 8 ушар үзэгдэбэ.

**Б.АЮРОВ хэблэлдэ бэлдэбэ.**

## Эмхидхэн байгуулагшад - Буряад Республикын Президент, Арадай Хурал болон Правительство

Редактор **А.А. АНГАРХАЕВ.**

РЕДАКЦИОННО КОЛЛЕГИ: **Г. Х. ДАШЕЕВА** (редакторай орлогшо), **Б.М.Ж. БАЛДАНОВ** (харюусалгата секретарь), **Р.Б. ГАРМАЕВ, Д.Д. СУНДАРОН** (Буряад Республикын Арадай Хурал), таһагуудыг даагшад: **Ц. Ц. ДОНДОГОЙ, С. Д. ОЧИРОВ, Т.В.САМБЯЛОВА, В.И.ПИНТАЕВ** (хэблэлэй директор).

Манай адрес:

670000, Улаан-Үдэ, Каландаришвилиин үйлэс, 23, "Буряад үнэн" газетын редакци.

Газетгэ хэблэлэй 1 хуудан хэмжээтэй. Индекс 50901. Хэлэг 2424. Хэблэлдэ туһаагдаһан саг 17.00.

"Республиканска типографи" гэхэн АО-до газетгэ хэблэгдэ. Директорэйнь телефон: 22-40-45. Б-0079-дэхи номертой оор бүридхэлдэ абтанхай. Заказ № 7849.

Редакциин телефонууд: редакторай - 21-50-96, приёмнын - 21-54-54, редакторай орлогшонорой - 21-68-08, 21-64-36, харюусалгата секретариин - 21-50-52, секретариалай - 21-62-62, таһагууд үндэһэтэнэй болон политическэ асуудалнуудаар - 21-55-97 (даагшань), 21-61-35, 21-34-05, экономикын - 21-63-86, 21-61-35, соёлой болон түүхын - 21-60-21 (даагшань), 21-57-63, залуушуулай, оюутандай ажабайдалай болон олонийтын хүдэлмэриниин - 21-54-93 (даагшань), 21-69-58, мэдээлэлэй болон соносхолгой - 21-67-81, корректорнүүдэй - 21-33-61, компьютерна түбэй - 21-66-76.

"Бурятия" хэблэлэй телефонууд: директор - 21-49-94, бухгалтери - 21-23-67, вахта - 21-35-95.

Тоонуудай, бодото баримтануудай, хүнэй, нютагай нэрэнүүдэй бэшэлгыг хазагайруулан ушарта авторнуудын харюусалгатай. Редакциин ханамжа автарайхитай адли бэшэ байжа магад.